

AGENDA 8 : KETETAPAN JAWATANKUASA TERTINGGI PUSAT (CEC) 2025

MUKADIMAH

Menyedari cabaran-cabaran yang bakal dihadapi DAP, Pakatan Harapan, Kerajaan Madani dan negara Malaysia dalam mendepani cabaran-cabaran masa kini, dan dengan tekad untuk membentuk semula Malaysia menjadi sebuah negara yang demokratik, bersatu padu, saksama dan mampan, berpandukan nilai-nilai kebebasan, keadilan dan solidariti,

Maka dengan ini, Kongres Parti memutuskan untuk menerima pakai ketetapan-ketetapan berikut yang dicadangkan oleh Jawatankuasa Tertinggi Pusat sebagai panduan hala tuju masa depan parti.

1. Impian Malaysia

1.1 Mengukuhkan komitmen parti terhadap 'Impian Malaysia' seperti yang dinyatakan dalam Deklarasi Shah Alam yang diterima pakai pada Persidangan Kebangsaan lebih sedekad lalu pada 8 Januari 2012.

1.2 Mempertahankan Perlembagaan Persekutuan sebagai undang-undang tertinggi Persekutuan dan menghormati semangat Perlembagaan Merdeka 1957 dan Perjanjian Malaysia 1963.

2. Reformasi

2.1 Menegakkan hak sivil dan politik yang termaktub dalam Perlembagaan Persekutuan, termasuk hak kebebasan bersuara dan mengeluarkan pendapat, kebebasan berhimpun secara aman, kebebasan berpersatuan dan hak mengundi.

2.3 Mendesak pemansuhan/penghapusan/pindaan ke atas undang-undang drakonian, zalim dan regresif yang melanggar hak rakyat Malaysia dan membantu Kerajaan Madani dalam mencapai matlamat ini.

2.3 Melaksanakan reformasi institusi melalui Kerajaan Madani, termasuk memperkasakan peranan Parlimen sebagai semak dan imbang kepada kuasa Eksekutif dan mengembalikan hak dan kepentingan wilayah Sabah dan Sarawak seperti yang termaktub dalam Perjanjian Malaysia 1963.

3. Melawan rasuah dan salah guna kuasa

3.1 Mengusahakan penambahbaikan dan reformasi ke atas Suruhanjaya Pencegahan Rasuah Malaysia (SPRM) untuk mengembalikan keyakinan rakyat terhadap institusi tersebut.

3.2 Membawa penambahbaikan terhadap tata kelola dan tadbir urus Kerajaan sama ada melalui undang-undang, peraturan atau amalan terbaik (*best practice*) bagi mengurangkan dan akhirnya membasmi peluang untuk menerima suapan atau menyalahguna kuasa.

4. Ekonomi

4.1 Menyokong usaha Kerajaan Madani untuk mengangkat semula darjat rakyat dan martabat negara dengan menstruktur semula ekonomi melalui Kerangka Ekonomi Madani yang diperkenalkan oleh YAB Perdana Menteri.

4.2 Menegakkan dasar yang mencipta, memelihara dan melindungi pekerjaan bermaruah untuk semua rakyat Malaysia yang merangkumi pekerjaan bermakna dan berpendapatan tinggi, keterangkuman dan kesaksamaan peluang dan perlindungan sosial untuk semua.

4.3 Memastikan pembangunan yang lebih seimbang antara kelas sosial yang berbeza, antara lelaki dan wanita, serta antara negeri dan wilayah di Malaysia.

4.4 Meningkatkan usaha untuk mengawal kenaikan inflasi dan harga makanan, komoditi dan bahan dengan memberi tumpuan khusus kepada keterjaminan makanan.

5. Pemerkasaan wanita

5.1 Meningkatkan usaha untuk menghapuskan semua bentuk diskriminasi sosio-ekonomi dan politik terhadap wanita; sebagai tambahan kepada sebarang bentuk penindasan yang mungkin timbul dalam hal-hal berkaitan tadbir urus dan dasar-dasar.

5.2 Memperkasakan hak dan meningkatkan penglibatan wanita sama ada dalam pentadbiran awam atau sektor swasta.

6. Menggembleng tenaga anak muda

6.1 Memperkukuhkan pendidikan politik, sama ada di peringkat Kerajaan atau di peringkat parti, dalam kalangan anak muda untuk menggalakkan mereka memainkan peranan yang lebih aktif serta bermaklumat (*informed*) dalam proses demokrasi negara.

6.2 Menggalakkan dasar-dasar berfokuskan anak muda termasuk dasar pendidikan saksama, rumah mampu milik, dasar untuk menyediakan pekerjaan yang lebih berkualiti untuk belia selain menyediakan keselamatan sosial yang lebih baik untuk mereka yang terlibat dalam sektor ekonomi tidak formal.

7. Kemampanan

7.1 Mengumpulkan usaha untuk memastikan pembangunan negara adalah mampan dan lestari selari dengan Matlamat Pembangunan Mampan (SDG) yang dikemukakan oleh Pertubuhan Bangsa-bangsa Bersatu (PBB).

7.2 Memperbaharui undang-undang dan dasar pembangunan, dengan mengambil kira kesan perubahan iklim untuk membina bandar yang mampan dan berdaya tahan terhadap perubahan iklim.

8. Media sosial

8.1. Mengiktiraf bahawa kebebasan bersuara dan mengeluarkan pendapat adalah termaktub dalam Perlembagaan Persekutuan, namun ia tidak meliputi kebebasan untuk memfitnah dan membina naratif yang menggugat keharmonian masyarakat.

8.2 Memastikan pemilik platform media sosial memainkan peranan yang lebih bertanggungjawab bagi mengekang hantaran-hantaran yang menjadi ancaman kepada keharmonian masyarakat dan ketenteraman awam, serta kegiatan penipuan, buli siber, jenayah seksual dan lain-lain jenayah atas talian.

9. Pakatan Harapan dan Kerajaan Madani

9.1 Menyatakan komitmen berterusan kepada Kerajaan Madani yang diterajui oleh YAB Perdana Menteri Datuk Seri Anwar Ibrahim bagi membina semula negara Malaysia.

9.2 Memantapkan hubungan di antara parti-parti komponen di dalam Pakatan Harapan (DAP, Keadilan, Amanah dan UPKO) sebagai gabungan teras di dalam Kerajaan Madani.

9.3 Memperkukuhkan hubungan dan kerjasama di antara parti-parti di dalam Kerajaan Madani melalui Kerajaan Persekutuan dan Kerajaan-kerajaan negeri, Sekretariat Kerajaan Perpaduan, Kelab Penyokong Kerajaan Madani (BBC) serta program-program di peringkat akar umbi.

9.4 Menolak sebarang usaha untuk mengancam kestabilan politik yang sedang dinikmati sejak terbentuknya Kerajaan Madani.